



Komunikadu Imprensa
02 Fevereiru 2022
Parlamentu Nasionál

Disolusaun Parlamentu no Eleisaun Antesipada tenke kumpri rekizitu sira no norma Konstitusionál

Disolusaun Parlamentu no Eleisaun Antesipada tenke kumpri rekizitu sira no norma Konstitusionál ne'ebé estabese ona iha Konstituisaun.

Atualmente kandidatu sira ne'ebé kompete ba iha Eleisaun Prezidensial ba períodu tinan 2022-2027 hahú deklara-an no rejista ona iha Tribunál Rekursu hodi hetan legalidade atu kompete ba eleisaun iha loraon 19 Marsu 2022.

Kandidatu sira ne'e mós hahú deklara ka hasai ba públiku kona-ba sira nian kompromisu bainhira eleitu ba Prezidente Repúblika. JSMP observa katak kompromisu polítika sira ne'e balun toka ba asuntu ka kestaun sira ne'ebé bainhira implementa, sei lori impaktu ka prejuizu boot ba Estadu. Kestaun sira ne'e mak hanesan “disolusaun” ba Parlamentu Nasionál, “eleisaun antesipada” no “legalidade estrutura Meza Parlamentu Nasionál”. Mezmuke iha parte ida, JSMP mós haree katak kandidatu sira ne'e iha razaun ka fundamentu balun relasiona ho kestaun sira ne'e. Maibé importante mak labele ses husi norma sira ne'ebé konsagra iha Konstituisaun.

JSMP hanoin katak papél no kompeténsia fundamentál Prezidente Repúblika nian mak hatuur ona iha provizaun parágrafu 1) Artigu 74 K-RDTL nian katak Prezidente Repúblika mak Xefe Estadu, símbólu no garante independénsia nasional, unidade Estadu no funsionamentu regulár instituisaun demokrátika sira.

“JSMP hanoin katak kompromisu polítiku sira tenke asegura realizasaun no kumprimentu ba norma no prinsipiu sira ne'e no presiza ezerse ho prudénsia atu bele tetu ho di'ak no ho extra kuidaun kona-ba impaktu potensial sira husi kompromisu polítiku sira ne'e ba interese Estadu no nasaun nian”, dehan Diretora JSMP, Ana Paula Marcal.

Maske eziste preokupasaun kona-ba legalidade lideransa Prezidencia Meza Parlamentu Nasionál, maibé tuir rezultadu observasaun JSMP nian Prezidencia Meza Parlamentu Nasionál atual, prodús ona lei no desizaun polítika importante lubuk ida

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



relasiona ho interese Estadu no nasaun nian. Lei importante sira ne'e inklui lei sira relasiona ho Orsamentu Jerál Estadu, Lei Medidas sira Prevensaun no Kombate Korrupsaun (MPCC, sigla portuges), Lei Organizaasaun Judisiáriu, Lei Podér Lokál no Dezentralizaasaun Administrativa, Lei Elisaun Assembleia Munisipál, Lei Arbitrazen, Lei Estadu Emerjénsia, rezolusaun sira no mós lei sira ne'ebé inísia no tama iha Parlamentu Nasionál iha tempu naruk to'o kaduka dala barak.

Partikularmente ba Lei MPCC, JSMP observa lei ne'e nu'udar produktu koletivu husi PN ne'ebé envolve partisipasaun ativu husi bankada parlamentar hotu-hotu tantu bankada opozisaun no bankada apoiu Governu iha PN. Ho aprovasaun no promulgasaun Lei MPCC manifesta votande boot partidu polítiku hotu iha PN.

Esperénsia sira iha nasaun barak hatudu katak atu prevene no kombate korrupsaun tenke iha estabilidade polítika atu instituisaun sira ne'ebé simu mandatu ezerse serbisu hirak ne'e bele ezerse sira nia knaar no kompeténsia sira ho efetivu. Bainhira laiha estabilidade polítika, kompromisu sira atu kombate korrupsaun bele kontinua iha mehi ne'ebé abstratu. Tanba ne'e disolusaun PN la'os opsaun polítika ida-ne'ebé seguru ba interese boot Estadu nian no sei kontinua promove odiu no vingansa polítiku ne'ebé naruk ba futuru.

JSMP fiar katak ezersísiu no kompromisu disolusaun PN sei prodús implikasaun politika no presedente negativu ba futuru no disolusaun ne'e sei implika ba produktu lejislativa anterior sira ne'ebé PN atual decide tiha ona hanesan Lei Orsamentu Estadu 2020, 2021 no 2022 nian. Bainhira prezidénsia ne'e konsideradu ilegal no inkonstitusional sei fó impaktu ba desizaun no produktu lejislativu sira hotu ne'ebé halo ona iha plenaria, se mak atu toma responsabilidade, Prezidente Repúblika ka Parlamentu Nasionál ka Governu? Pergunta sira ne'e sai hanesan medida no pontu reflexaun ne'ebé bele uza hodi sukat no tetu ho di'ak no ho prudente kompromisiu polítiku sira Prezidente Repúblika nian molok implementa.

Alende ne'e, disolusaun ba Parlamentu Nasionál mós tenke refilete rekizitu sira ne'ebé prevee iha provizaun alinea f) Artigu 86 K-RDTL katak *hakotu Parlamentu Nasionál, iha kazu krize boot institusional nian ne'ebé labele iha formasaun governu ka aprovasaun Orsamentu Jerál Estadu nian, iha tempu naruk liu lora neen-nulu, wainhira rona tiha ona partidu polítiku sira-ne'ebé hetan kadeira iha Parleментu Nasionál, no rona Konsellu-Estadu, iha tempu ne'ebé laiha kdasar jurídiku atu hala'o disolusaun, tenke haree tuir regra iha Artigu 100**.

* Artigu 100 kona-ba Disolusaun : (1) Parlamentu Nasionál labele hetan disolusaun iha fulan neen nia laran, liutiha eleisaun ne'ebé hili nia, ka iha semestre ba dala ikus mandatu Prezidente Repúblika nian, ka durante vijénsia Estadu serku ka estadu emerjénsia



Provizaun konstitusionál ne'e atu deskreve katak Prezidente Repúblika dissolve Parlamentu Nasionál tenke bazeia ba buat prinsipál tolu (3) mak hanesan 1) kazu krize boot institusionál nian ne'ebé labele iha formasaun Governu; 2) laiha aprovasaun ba OJE nian iha naruk liu lora neen-nulu no 3) hanoin husi partidu polítiku sira ne'ebé iha asentu parlamentár no Konsellu Estadu. Ne'e signifika katak bainhira Prezidente Repúblika halo de'it desizaun hodi dissolve Parlamentu Nasionál la ho konsulta ho partidu polítiku sira ho asentu parlamentár no Konsellu Estadu, desizaun ne'e laiha efetivu jurídiku ka validade. Nune'e mós mosu situsaun sira ne'ebé prevee iha provizaun Artigu 100.

JSMP observa realidade agora, hatudu katak Parlamentu Nasionál funsiona di'ak iha hala'o nia serbisu sira ne'ebé K-RDTL atribui ba nia hodi halo lei, fiskalizaun no foti desizaun polítika hanesan hatuur iha provizaun Artigu 92 K-RDTL. Iha termu funsionamentu no produtividade, Parlamentu Nasionál tuir observaun JSMP nian, funsiona di'ak liu no produtivu tebes kompara ho lejizlatura no sesaun lejizlativa sira anteriór. Iha parte seluk, eleisaun parlamentár tuir kalendáriu sei hala'o iha tinan oin, nune'e, laiha razaun fundamentál ne'ebé bele justifika disolusaun ba Parlamentu no eleisaun antesipada, nune'e mós ba halo falí eleisaun foun ba prezidénsia Meza Parlamentu.

Relasiona ho kestaun legalidade prezidénsia no estrutura Meza Parlamentu Nasionál atuál nian, tuir loloos, iha inísiu deputadu sira bankada opozisaun nian husi fiskalizaun abstrata ba konstitucionalidade ba Supremu Tribunál Justisa tuir provizaun alinea e) Artigu 150 K-RDTL hodi verifika legalidade husi aktu ka diploma lejizlativa ne'ebé Parlamentu Nasionál halo no publika iha jornál repúblika relasiona ho prosesu destituisaun no eleisaun ba Prezidente Parlamentu ho nia estrutura tuir provizaun alinea b) parágrafu 1) Artigu 126 K-RDTL. Bainhira Tribunál verifika no deskobre katak diploma lejizlativu ne'e la tuir Lei Rejimentu Parlamentu nian, bele deklarar ilegalidade ba prosesu ne'e tuir provizaun alinea a) parágrafu 1) Artigu 126 K-RDTL.

Mezmu nune'e, JSMP hanoin, agora ne'e la nesesária atu halo asaun ida ne'e tanba eleisaun ba Parlamentu hela de'it tinan ida ona no laiha problema boot ne'ebé bele justifika asaun ida ne'e. Nune'e, bazeia ba interese nasional povu no nasaun ne'e nian,

nian, tan la iha kdasar jurídiku atu halo disolusaun. (2) Disolusaun Parlamentu Nasionál nian la hamate mandatu Deputadu sira-nian to'o Parlamentu nia reuniaun dalauluk, liutiha eleisaun subsekuente sira.

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

rekomenda atu parte hothotu, liuliu Prezidente Eleitu 2022 nian atu nafatin kontribui ba aseguira funsiunamentu normál instituisaun demokrátika sira Estadu nian, liuliu Parlamentu Nasionál to'o eleisaun parlamentár iha 2023.

Importante ba Prezidente Repúblika eleitu iha 2022 nian mak tuir JSMP nian hanoin, nafatin kontribui ba aseguira unidade nasionál no funsiunamentu normál instituisaun demokrátika sira iha futuru, nune'e mós atu aseguira katak prosesu no desizaun sira hotu tantu polítika tantu lejizlativu tenke tuir lei no Konstituisaun.

Atu hetan informasaun liutan favór kontaktu:

Ana Paula Marçal
Diretora Ezekutiva JSMP
Diresaun e-mail: ana@jsmp.tl
Website: <http://jsmp.tl>
www.jsmp.tl

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275
Telefone: 3323883 | 77040735
www.jsmp.tl
ana@jsmp.tl
Facebook: www.facebook.com/timorleste.jsmp
Twitter: @JSMPtl